



ՄԻՆՉԵՎ ՏԵՂԱՄԱՍԱՅԻՆ ԿԵՆՏՐՈՆԻ ԲԱՅՈՒՄԸ

Քվեարկության օրը ժամը 6:45-8:00



Տեղամասային ընտրական հանձնաժողովի գործողությունների հաջորդականություն.

- ստուգել քվեարկության սենյակի կահավորվածությունը՝ քվեարկության սենյակում համապատասխան ընտրական փաստաթղթերի ու պարագաների առկայությունը,
- ստուգել չհրկիզվող պահարանին (այսուհետ նաև՝ պահարան) ստանձված թղթի (ինքնաստանձվող ժապավենի) ամբողջականությունը և ոստիկանության ծառայողներից ընդունել դրանք,
- գրանցամատյանում լրացնել քվեարկության սենյակում առկա ընտրական փաստաթղթերն ու այլ պարագաները, քվեարկության սենյակում տեղադրված տեխնիկական սարքավորումները և չհրկիզվող պահարանն ընդունելու մասին արձանագրությունը,

ԺԱՄԸ 7:00-ԻՆ սկսել նիստը, իրականացնել վիճակահանություն՝ հանձնաժողովի անդամների գործառույթներն ու դրանց հերթափոխը որոշելու համար,

վիճակահանության արդյունքները գրանցել գրանցամատյանում,

տեղամասային ընտրական հանձնաժողովի նախագահի հանձնարարությամբ մասնագետը սահմանված կարգով ստուգում է տեխնիկական սարքավորման աշխատանքը, մուտքագրում ընտրական տեղամասի նույնականացման տվյալները (մասնագետի կողմ) և տպում է տվյալ տեխնիկական սարքավորման միջոցով գրանցված ընտրողների բացակայությունը հավաստող տեղեկանք,

եթե տեղամասային ընտրական հանձնաժողովում օգտագործվում են մեկից ավելի տեխնիկական սարքավորումներ, ապա յուրաքանչյուր մասնագետ ստուգում է իր կողմից սպասարկվող սարքավորման աշխատանքը և տպում է տվյալ տեխնիկական սարքավորման




միջոցով գրանցված ընտրողների բացակայությունը հավաստող տեղեկանքը,

- գրանցված ընտրողների բացակայությունը հավաստող տեղեկանքը (տեղեկանքները) սոսնձել գրանցամատյանում,
- ստուգել քվեատուփի (առկայության դեպքում նաև շրջիկ արկղի) դատարկ լինելը,
- փակել, հատուկ կապիչներով և ինքնասոսնձվող ժապավեններով կնքել քվեատուփը (առկայության դեպքում՝ նաև շրջիկ արկղը),
- բացել պահարանը,
- հանել հանձնաժողովի անդամների անհատական կնիքները և հանձնաժողովի յուրաքանչյուր անդամին հանձնել նախորդ օրվա վիճակահանությանը իրեն տրամադրված անհատական կնիքը,
- հանել հանձնաժողովի կնիքը, գրանցամատյանում կնիք դնելով՝ հայտարարել կնիքի համարը,
- հանել ընտրողների ցուցակները և հանձնել ընտրողների գրանցման համար պատասխանատու հանձնաժողովի անդամին (անդամներին),
- տեխնիկական սարքավորումը չաշխատելու կամ չլինելու դեպքում պահարանից հանել համարա-

կալված կտրոնները և հանձնել ընտրողների գրանցման համար պատասխանատու հանձնաժողովի անդամին (անդամներին),

- հանել հարյուր ինքնաստսնծվող դրոշմանիշ և հատկացնել ինքնաստսնծվող դրոշմանիշ փակցնող և քվեատուփի համար պատասխանատու հանձնաժողովի անդամին և գրանցամատյանում կատարել համապատասխան գրառում,
- յուրաքանչյուր կուսակցության, կուսակցությունների դաշինքի (այսուհետ՝ կուսակցություն) հարյուրական փաթեթներով քվեաթերթիկները և մեկ փաթեթ քվեարկության ծրար (հարյուր հատ) հանձնել քվեաթերթիկներ և քվեարկության ծրարներ հատկացնող հանձնաժողովի անդամին (անդամներին),
- Կարևոր է** յուրաքանչյուր կուսակցության, կուսակցությունների դաշինքի քվեաթերթիկներից՝ 3-ից 5 քվեաթերթիկ գցել քվեարկության խցիկներում տեղադրված չօգտագործված քվեաթերթիկների արկղի մեջ,
- ստուգել, որ քվեարկության խցիկներում գրիչներ դրված չլինեն:

ՈՒՇԱԴՐՈՒԹՅՈՒՆ

-  Նշված բոլոր գործողությունները կատարվում են այն հաշվարկով, որպեսզի ժամը 8:00-ի դրությամբ կատարված և ավարտված լինեն:
-  Հանձնաժողովի նախագահը ժամը 8:00-ին բարձրաձայն հայտարարում է քվեարկության սկիզբը և թույլատրում ընտրողների մուտքը քվեարկության սենյակ:
-  Տեղամասային կենտրոնը բացվելուց հետո հանձնաժողովի նախագահը անմիջապես տեղեկացնում է ընտրատարածքային ընտրական հանձնաժողովի նախագահին տեղամասը բացված լինելու մասին:

▼ ՔՎԵԱՐԿՈՒԹՅԱՆ ԸՆԹԱՑՔՈՒՄ

- ▶ մինչև ժամը 11.30-ը, 14.30-ը, 17.30-ը և 20.30-ը ընտրատարածքային ընտրական հանձնաժողով է հաղորդվում համապատասխանաբար մինչև ժամը 11.00-ն, 14.00-ն, 17.00-ն և 20.00-ն տվյալ ընտրական տեղամասում քվեարկությանը մասնակցած ընտրողների թիվը.
- ▶ հաղորդված թվերը գրառվում են նաև տեղամասային ընտրական հանձնաժողովի գրանցամատյանում:



ՏԵՂԱՄԱՍԱՅԻՆ ԿԵՆՏՐՈՆԻ ՓԱԿՈՒՄ



Տեղամասային ընտրական հանձնաժողովի գործողությունների հաջորդականություն

- ժամը 20:00-ին հայտարարել քվեարկության ավարտի մասին,
- արգելել ընտրողների մուտքը քվեարկության սենյակ,
- քվեարկության սենյակում գտնվող ընտրողներին տալ քվեարկելու հնարավորություն,
- փակել քվեատուփի ճեղքը,
- փակել տեղամասային կենտրոնը,
- մինչև ժամը 20:30** ընտրատարածքային ընտրական հանձնաժողով հաղորդել տեղամասում քվեարկության մասնակիցների թիվը:



ՔՎԵԱՐԿՈՒԹՅԱՆ ԱՐԴՅՈՒՆՔՆԵՐԻ ԱՄՓՈՓՈՒՄ



Տեղամասային ընտրական հանձնաժողովի գործողությունների հաջորդականություն

- փաթեթավորել հանձնաժողովի անդամների անհատական կնիքները, փաթեթը կնքել, ստորագրել և տեղադրել ընտրական փաստաթղթերի մեծ պարկում,
- ընտրողների ցուցակում (առկայության դեպքում՝ նաև զինծառայող ընտրողների ցուցակում) ընտրողների ստորագրությունների հիման վրա հաշվել քվեարկության մասնակիցների թիվը, բարձրաձայն հրապարակել և արձանագրել գրանցամատյանում,
- եթե առկա է, ապա առանձին հաշվել նաև՝***
 - քվեարկության օրն ընտրական տեղամասում կազմված լրացուցիչ ցուցակում առկա ստորագրությունների թիվը հրապարակել և արձանագրել գրանցամատյանում,

- շրջիկ արկղով քվեարկությանը մասնակցած ընտրողների լրացուցիչ ցուցակում առկա ստորագրությունների թիվը հրապարակել և արձանագրել գրանցամատյանում,
- բոլոր ցուցակների ստորագրությունների թվերը գումարել, գումարը բարձրաձայն հրապարակել որպես քվեարկության մասնակիցների ընդհանուր թիվ և գրառել գրանցամատյանում,
- եթե տեխնիկական սարքավորումն անխափան աշխատել է քվեարկության ընթացքում, ապա տեխնիկական սարքավորման միջոցով տպել ավարտական տեղեկանք,
 - տեղեկանքը տպելու անհնարինության դեպքում այդ մասին համապատասխան գրառում կատարել գրանցամատյանում,
- տեղեկանքի մեկ օրինակը, ստորագրված տեղամասային ընտրական հանձնաժողովի նախագահի կողմից և կնքված հանձնաժողովի կնիքով, տեղադրել ընտրական փաստաթղթերի մեծ պարկում,
- տեղեկանքի մեկական օրինակ, ստորագրված հանձնաժողովի նախագահի կողմից և կնքված

հանձնաժողովի կնիքով, պահանջի դեպքում տրամադրել ամփոփման նիստին ներկա գտնվող անձանց,

փաթեթավորել ընտրողների ցուցակները, եթե առկա է նաև

քվեարկության օրն ընտրական տեղամասում կազմված լրացուցիչ ցուցակը,

շրջիկ արկղով քվեարկությանը մասնակցած ընտրողների լրացուցիչ ցուցակը

առանձին մեկանգամյա օգտագործման փոքր պարկում,

տեղամասային ընտրական հանձնաժողովի նախագահը և քարտուղարը ստորագրում են ընտրողների ցուցակների մեկանգամյա օգտագործման փոքր պարկի վրա, հանձնաժողովի նախագահը կնքում է հանձնաժողովի կնիքով և վրան գրում ընտրական տեղամասի համարը:



ՈՒՇԱԴՐՈՒԹՅՈՒՆ



զորամասում կազմվող ընտրողների ստորագրված ցուցակը,



ձերբակալված անձանց պահելու վայրում կազմվող ընտրողների ստորագրված ցուցակը,



քրեակատարողական հիմնարկում կազմվող ընտրողների ստորագրված ցուցակը

փաթեթավորել առանձին թղթյա փաթեթում, փաթեթի վրա ստորագրել, կնքել և տեղադրել ընտրական փաստաթղթերի մեծ պարկում.



հաշվել ընտրողներից ստացված տեխնիկական սարքավորման միջոցով տպված կտրոնները, փաթեթավորել, փաթեթը կնքել և տեղադրել մեծ պարկում, թիվը գրառել գրանցամատյանում,



հաշվել ընտրողներից ստացված համարակալված քվեարկության կտրոնները, փաթեթավորել, փաթեթը կնքել և տեղադրել մեծ պարկում, թիվը գրառել գրանցամատյանում,



հաշվել չօգտագործված ինքնասուսնծվող դրոշմանիշերը, փաթեթավորել, փաթեթը կնքել և

տեղադրել մեծ պարկում, թիվը լրացնել գրանցամատյանում,

- հաշվել չօգտագործված համարակալված քվեարկության կտրոնները, փաթեթավորել, փաթեթը կնքել և տեղադրել մեծ պարկում, թիվը լրացնել գրանցամատյանում,
- առանց հաշվելու փաթեթավորել չօգտագործված քվեաթերթիկները:

ՈՒՇԱԴՐՈՒԹՅՈՒՆ

Համարակալված քվեարկության կտրոնները չօգտագործվելու դեպքում դրանք չեն հաշվվում, և նշվում է ընտրատարածքային ընտրական հանձնաժողովի հարկացրած կտրոնների թիվը:

4

ՔՎԵԱԹԵՐԹԻԿՆԵՐԻ ՏԵՍԱԿԱՎՈՐՈՒՄ



Բացել քվեատուփը

- քվեատուփից հանել քվեարկության մեկ ծրար
 - ➔ ցուցադրել այնպես, որ այն տեսանելի լինի ներկաների համար,
 - ➔ քվեարկության ծրարը մարելու հիմքերի դեպքում քվեարկության ծրարը դրանում գտնվող քվեաթերթիկի հետ անհապաղ մարել այնպես, որ վերահաշվարկի ժամանակ հնարավոր լինի հաստատել մարման հիմքի առկայությունը,
- քվեարկության ծրարը մարելու հիմքերի բացակայության դեպքում քվեարկության ծրարից հանել քվեաթերթիկը,
- բարձրաձայն **հայտարարել** քվեաթերթիկի սահմանված կամ չսահմանված նմուշի լինելու մասին,
- սահմանված նմուշի քվեաթերթիկի դեպքում **հայտարարել** վավեր կամ անվավեր լինելու մասին,

- վավեր քվեաթերթիկի դեպքում բարձրաձայն **հայտարարել** նաև կուսակցության, կուսակցությունների դաշինքի անվանումը.
- քվեաթերթիկը **ցուցադրել** այնպես, որ այն տեսանելի լինի ներկաների համար.
- քվեաթերթիկը դնել համապատասխան կուսակցության, կուսակցությունների դաշինքի օգտին քվեարկած քվեաթերթիկների փաթեթի մեջ.

**Այս գործողությունները կրկնվում են
քվեատուփում առկա բոլոր ծրարների և
քվեաթերթիկների համար**

- հաշվել** յուրաքանչյուր կուսակցության, կուսակցությունների դաշինքի օգտին քվեարկված քվեաթերթիկները, թվերը բարձրաձայն հայտարարել և արձանագրել գրանցամատյանում.
- հաշվել** անվավեր քվեաթերթիկները, թիվը բարձրաձայն հայտարարել և արձանագրել գրանցամատյանում.
- փաթեթավորել** անվավեր քվեաթերթիկները, փաթեթը կնքել և տեղադրել փաստաթղթերի մեծ պարկում.

փաթեթավորել յուրաքանչյուր կուսակցության, կուսակցությունների դաշինքի կողմ քվեարկած քվեաթերթիկներն առանձին փաթեթներում:

Յուրաքանչյուր փաթեթի (ծրարի) վրա նշել դրա պարունակությունը:

- ➡ քվեարկության ծրարները (ինչպես քվեատուփից հանված, այնպես էլ չօգտագործված),
- ➡ ընտրողներին չտրամադրված, ինչպես նաև ընտրողի կողմից չօգտագործված քվեաթերթիկները

չեն հաշվարկվում, փաթեթավորվում են առանձին փաթեթներում և այն առանց մեծ պարկի մեջ տեղադրելու, ներկայացվում են ընտրատարածքային ընտրական հանձնաժողով:

5

ԱՐԶԱՆԱԳՐՈՒԹՅԱՆ ԿԱԶՄՈՒՄ

Հիմք ընդունելով կատարված հաշվարկները և գրանցամատյանում արձանագրված տվյալները, տեղամասային ընտրական հանձնաժողովը կազմում է տեղամասում քվեարկության արդյունքների արձանագրություն:

Արձանագրությունը պետք է կազմել ոչ ուշ, քան քվեարկության ավարտից 12 ժամ հետո:

Արձանագրությունը կազմվում է 4 օրինակից

- ✓ Արձանագրությունները ստորագրում են հանձնաժողովի նախագահը, քարտուղարը և անդամները.
- ✓ Հանձնաժողովի նախագահը կնքում է արձանագրությունների 4 օրինակները.
- ✓ Հանձնաժողովի անդամը պարտավոր է ստորագրել արձանագրությունը:
- ✓ Եթե հանձնաժողովի անդամն արձանագրության տվյալների վերաբերյալ ունի առարկություն (հատուկ կարծիք), ապա այդ մասին գրառում է կատարում արձանագրությունում՝ դրա համար նախատեսված հատուկ տեղում:

! ՈՒՇԱԴՐՈՒԹՅՈՒՆ

Արձանագրությունը ստորագրվում է միայն բոլոր տվյալները լրացնելուց հետո:

✘ Արգելվում է նախապես ստորագրել քվեարկության արդյունքների արձանագրության ձևաթղթերը:

Արձանագրության 4 օրինակից՝

- մեկ** օրինակ փակցվում է տեղամասային կենտրոնում՝ ընտրողների ցուցակների կողքին,
- մեկ** օրինակ տեղադրվում է ընտրական փաստաթղթերի պարկում.
- երկու** օրինակ ներկայացվում է ընտրատարածքային ընտրական հանձնաժողով:

Արձանագրությունը կազմելուց հետո լրացվում է քվեարկության արձանագրությունից ՔԱՂՎԱԾՔԻ 1 ՕՐԻՆԱԿ, որը ստորագրվում է Հանձնաժողովի նախագահի և քարտուղարի կողմից, կնքվում է և առձեռն ներկայացվում է ընտրատարածքային ընտրական հանձնաժողով:

Տեղամասային ընտրական հանձնաժողովում ներկա լինելու իրավունք ունեցող անձանց պահանջով նրանց տրամադրվում է ընտրական տեղամասում քվեարկության արդյունքների արձանագրությունից քաղվածք՝ վավերացված հանձնաժողովի նախագահի և քարտուղարի ստորագրություններով և հանձնաժողովի կնիքով:



**Հանձնաժողովի նախագահը և քարտուղարը
քվեարկության ավարտից հետո ոչ ուշ, քան
14 ժամվա ընթացքում ընտրատարածքային ընտրա-
կան հանձնաժողով են ներկայացնում՝**

- ընտրական փաստաթղթերի մեկանգամյա օգտագործման մեծ պարկը՝ փակված վիճակում,
- ընտրողների ցուցակների մեկանգամյա օգտագործման փոքր պարկը,
- հանձնաժողովի գրանցամատյանը,
- քվեարկության արդյունքների արձանագրության 2 օրինակը,
- քվեարկության արդյունքների արձանագրու- թյունից քաղվածքի 1 օրինակը,
- հանձնաժողովի կնիքը,
- տեխնիկական սարքավորումները,
- չօգտագործված քվեաթերթիկները,
- քվեատուփից հանված քվեարկության ծրարները,
- չօգտագործված քվեարկության ծրարները,
- բրայլյան ստվարաթղթե կաղապարները,
- քվեատուփը (առակայության դեպքում՝ շրջիկ արկղը),
- քվեարկության խցիկները: